

Tusagassiorfinnut Nalunaarut Pressemeddelelse

18.06.17

MIO-p Qaanaami Toku Oshima Meeqqanut ambassadøritut toqqarpaa

Qaanaamiinnermini Meeqqat Illersuisuata Aviâja Egede Lyngep Toku Oshima Qaanaami Meeqqanut ambassadøritut toqqarpaa. Toqqaanermi tunngaviuvoq Tokup meeqqat pillugit kajumissutsiminik sulinera annertoq.

Tokup meeqqanik sammisassaqaqtitsisarneri soorlu mersornermik, iganermik meeqqanillu allanik katerisimaaqateqarnermik meeqqanut annertuumik pitsaasumillu naleqarneranik Meeqqat Illersuisuata Aviâja Egede Lyngep toqqaaneq tunngavilersorpaa. Tokup meeqqallu kaperlak ataqqinninnermik, toqqissisimanermik, qanilaarnermik ataqatigiinnermillu ilinniarnermut kaperlak atortarpaat. Assersuutigalugu ataatsimoorangamik oqarasuaatinik angallattakkanik atuisoqaqqusaanngilaq.

Tokup sammisassaqaqtitsineri nukappiaqqanut nivarsiaqqanullu sammisuupput, nalinginnaasumillu meeqqat ulluinnaanni, kulturiani oqaasiinilu tunngaveqarlutik. Ukioq manna eqimattat nivarsiaqqanik 12-inik nukappiaqqanillu 12-inik ilaasoqarput.

”Sammisassaqaqtitsinerit taakku pitsaasorpassuarnik kinguneqarput – meeqqat ataatsimoornerulertarput, imminnut pinngortitamullu ataqqinnittunngortarlutik. Toku pissusissamisoortumik Qaanaami meerarpassuarnut qitiusuuvoq. Suleqatigiinnerup kiisalu imminnut pinngortitamullu ataqqinninnerup pingaaruteqassusaanik ilinniartittarpai. Meeqqallu

Tokumukarnissartik nuannarisarpaat, Tokumimi kikkut tamarmik tikilluaqqusaapput – aamma meeqqat artornartunik misigisaqartut”, taama oqarpoq Meeqqat Illersuisuat Aviâja Egede Lynge.

Taamaasilluni Toku Naalagaaffiit Peqatigiit Meeqqat pillugit Isumaqatigiissutaanni meeqqat pisinnaatitaaffii tunngaviusut arlallit pillugit ssuliaqarpoq. MIO-p toqqaanermik matuminnga Toku sulinermi tamatumani tapersorsorniarpaa, taamaasilluni sulineq taanna sumiiffimmi pissutsinik kulturimillu aallaaveqassammat.

Toku, ulluinnarni inuussutissarsiutigalugu piniartuusoq, sammisassaqtitsisarnini ima oqaaseqarfigai:

”Kulturip allanut ingerlateqqinnissaa pisussaataitaaffigaara – naluarami aqagu maaniissanerlunga”.

Meeqqanut ambassadørip suliassaraa, meeqqanut inuusuttunullu maligassiornissaq kiisalu meeqqat pisinnaatitaaffiinik takutitsinissaq.

MIO udnævner Toku Oshima til Børneambassadør i Qaanaaq

I forbindelse med sin rejse i Qaanaaq udnævnte Børnetalsmand Aviâja Egede Lynge Toku Oshima til Børneambassadør i Qaanaaq. Udnævnelsen sker på baggrund af Tokus store frivillige arbejde for og med børn.

Børnetalsmand Aviâja Egede Lynge begrundet udnævnelsen med, at Tokus aktiviteter med børn såsom syning, madlavning og samvær med andre børn har en meget stor og positiv værdi for børnene. Toku og børnene bruger kaperlaktiden/mørketiden til at lære om værdighed, tryghed, nærhed og sammenhold. Der må blandt andet ikke være mobiler, når de er sammen.

Tokus aktiviteter henvender sig til både drenge og piger og tager et naturligt udgangspunkt i børnenes hverdag, kultur og sprog. I denne vinters hold var der 12 piger og 12 drenge.

”Der er en masse gode følger af disse aktiviteter – børnene får sammenhold, respekt for hinanden og for naturen. Toku er et naturligt omdrejningspunkt for mange børn i Qaanaaq. Hun lærer dem om hvor vigtigt samarbejde og respekt for hinanden og naturen er. Og børnene holder af at komme hos hende, for hos Toku er der plads til alle – også hvis der er børn, der har det svært”, siger Børnetalsmand Aviâja Egede Lyng.

Toku arbejder dermed med flere af de grundlæggende børnerettigheder inden for FN’s Konvention om Barnets Rettigheder. MIO vil med denne udnævnelse støtte Toku yderligere i dette arbejde, så det tager udgangspunkt i lokale forhold og i kulturen.

Toku, som til dagligt er erhvervsfanger, siger selv om aktiviteterne:

”Det er min ret at videregøre kulturen til andre – jeg ved ikke, om jeg er her i morgen”.

Børneambassadørens rolle er at de skal være rollemodeller for børn og unge og vise børnerettigheder.

Asannittumik inuulluaqquillunga
Med Kærlig hilsen



Aviâja Egede Lyng
Meeqqat Illersuisuat
Børnetalsmand
Avi@mio.gl
Tlf.: 531274